

四庫全書

集部

欽定四庫全書

御定全唐詩錄卷六十七

元稹二

近體詩

晚秋

竹露滴寒聲
離人曉思驚
酒醒秋簾冷
風急夏衣輕
寢倦解幽夢
慮閒添遠情
誰憐獨歌枕
斜月透窓明

緣路

總是玲瓏竹，無藏淺漫溪。沙平深見底，石亂不成泥。煙火遙村落，桑麻隔稻畦。此中如有問，甘被到頭迷。

景申秋

蚊幌雨來卷，燭蛾燈上稀。啼兒冷秋簟，思婦問寒衣。簾斷螢火入，窓明蝙蝠飛。良辰日夜去，漸與壯心違。

瓶瀉高簷雨，窓來激箭風。病憎燈火暗，寒覺薄幃空。婢報樵蘇竭，妻愁院落通。老夫慵計數，教想蔡城東。

經雨籬落壞，入秋田地荒。竹垂哀折節，蓮敗惜空房。小

片慈菇白低叢柚子黃眼前撩亂輩無不是同鄉
雨柳枝枝弱風花片片斜蜻蜓憐曉露蛺蝶戀秋花饑
啁空籬雀寒棲滿樹鴉荒涼池館內不似有人家

生春

何處生春早春生曉禁中殿階龍旆日漏閣寶箏風藥
樹香煙重天顏瑞氣融柳梅渾未覺青紫已叢叢

何處生春早春生曉鏡中手寒勻面粉鬟動倚簾風宿
霧梅心滴朝光幕上融思牽梳洗嬾空拔綠絲叢

何處生春早春生綺戶中玉櫳穿細日羅幔張去聲輕風

柳軟腰支嫩梅香蜜氣融獨眠傍妬物偷鏹合歡叢

戲酬副使中丞見示四韻

莫恨暫囊韉交遊幾個全眼明相見日肺病欲秋天五
馬虛盈櫪雙蛾浪滿船可憐俱老大無處用閒錢

贈柔之

窮冬到鄉國正歲別京華自恨風塵眼常看遠地花碧
幢還照曜紅粉莫咨嗟嫁得浮雲壻相隨即是家

記事
云稹

自會稽拜尚書右丞到京未踰月出鎮武昌裴夫人
柔之難之曰方歲杪到家鄉先春又赴任耶稹贈詩

新秋

旦暮已淒涼離人遠思忙夏衣臨曉薄秋影入簷長前
事風隨扇歸心燕在梁殷勤寄牛女河漢正相望

贈雙文

艷極翻含怨憐多轉自嬌有時還暫笑閒坐更無憐曉
月行看墮春酥見欲消何因肯垂手不敢望迴腰

酬樂天東南行詩一百韻并序

元和十年三月二十五日予司馬通州二十九日與樂天於鄠東蒲池村別各賦一絕到通州後予又寄一篇尋而樂天貺予八首予時瘡病將死一見外不復記憶十三年予以赦當遷簡省書籍得是八篇吟歎方極適崔果州使至為予致樂天去年十二月二日書書中寄予百韻至兩韻凡二十四章屬李景信校書自忠州訪予連牀遽飲之間悲咤使酒不三兩日盡和去

年已來三十二章皆畢李生視草而去四月十
三日予手寫為上下卷仍依次重用本韻亦不
知何時得見樂天因人或寄去通之人莫可與
言詩者唯妻淑在旁知狀 其本卷尋時於峽
州面付樂天別本都在唱和卷中此卷唯五言
大律詩二首而已

我病方吟越君行已過湖

元和十年閏六月至通州染
瘴危重八月聞樂天司馬江

州去應緣直道哭不為窮途亞竹寒驚牖空堂夜向隅

暗魂思背燭危夢怯乘桴

此後每聯之內半述巴蜀土風半述江鄉物產

坐痛

筋骸慙旁嗟物候殊雨蒸重沸渭浪湧怪睢盱索綆飄

蚊蚋蓬麻甍舳艫短簷苦稻草微俸封去聲漁租泥浦喧

撈蛤荒郊險鬪貙鯨吞近溟漲猿鬬接黔巫芒屨汨牛

婦了頭蕩槳夫酢醅荷裏賣醺酒水淋沽如淋醺法舞

態翻鸛鵲歌辭咽鷓鴣夷音啼似笑蠻語謎相呼江郭

船添店山城木豎郭吠聲沙市犬爭食墓林鳥獷俗誠

堪憚妖神甚可虞欲令仁漸及已被瘡潛圖膳減思調

鼎行稀恐蠹樞雜萑多剖鱖和黍半蒸菰綠粳新菱實

金丸小木奴

巴橘酸澀大如彈丸

芋羹真暫淡鼈炙漫塗蘇魚鼈

那勝烹烹鮓只似鱸

通州俗以鮓魚為鱸

楚風輕似蜀巴地濕如

吳氣濁星難見州斜日易晡通宵但雲霧未酉即桑榆

此後並言巴中風俗

瘴窟蛇休蟄炎溪暑不徂俵魂陰叫嘯鵬貌

晝踟躕鄉里家藏蠱官曹世乏儒斂緡偷印信傳箭作

符繻椎髻拋巾幘

音竄

刀代轆轤當心鞞銅鼓背弢射

桑弧

巴民盡射木弓仍于弓左安箭

豈復民氓料須將鳥獸驅是非渾

竝漆詞訟敢研朱陋室鴉窺伺哀形蟒覲鬢毛霜點

合襟淚血痕濡倍憶京華伴偏忘我爾軀

此後並言與樂天同科共

遊處謫居今共遠榮路昔同趨科試銓衡局衙參典校

厨

書判同年校正同省

月中分桂樹天上識菖蒲應名逢鴻澤陪

遊值賜酺心唯撞衛磬耳不亂齊竽

此後並言同應制時事

海岱

詞鋒截皇王筆陣毆疾奔凌騷裏高唱軋吳歛點檢張

儀舌提攜傳說圖擺囊看利穎開領出明珠並取千人

特皆非十上徒白麻雲色膩墨詔電光粗衆口貪歸美

何顏敢妒姝秦臺納紅旭
鄴匣洗黃壚諫獵寧規避
彈

豪詎囁嚅肺肝憎巧曲蹊徑絕
縈迂誓遣朝綱振忠饒

翰苑輸

元和四年為監察御史樂天為翰林學士

驥調方汗血蠅點忽成盧

遂謫栖遑掾還飛送別孟痛嗟
親愛隔顛望友朋扶狸

病翻隨鼠驄返作駒物情良狗
俗時論太誣吾瓶罄

壘偏恥松摧柏自枯虎雖遭陷
甯龍不怕泥塗

此上並述五年

貶掾江陵樂天亦遭罹謗鑠

重喜登賢苑方欣佐伍符

九年樂天除太子贊善予

從事唐

判身入矛戟輕敵比鎬銖
驛騎來千里天書下

九衢因教罷飛檄便許到皇都

十年春自唐州
詔予召入京

舟敗罌

浮漢驂疲杖過邗郵亭一蕭索烽候各崎嶇餽人推

輅誰何吏執爰拔家逃力役連鑠責逋誅防戍兄無弟

收田婦與姑縑紉工女竭青紫使臣紆望國參雲樹歸

家滿地蕪破窓塵埽埽幽院鳥鳴鳴

此下並言靖安里
無人居觸目荒涼

祖竹叢生筍孫枝壓舊梧晚花狂蛺蝶殘蒂宿茱萸始

悟摧林秀因銜避繳蘆文房長遣閑經肆未曾鋪鷓鴣

方求侶鳴鳶已嚇雛徵還何鄭重斥去亦須臾迢遞投

遐徵蒼黃出奧區通川誠有咎湓口定無辜三月積之通川八月

樂天之

利器從頭匣剛腸到底剗薰蕕任盛貯稊稗莫

超踰公幹經時臥鍾儀幾歲拘光陰流似水蒸瘴熱於

鑪薄命知然也深交有矣夫救焚期骨肉投分刻肌膚

本題云寄澧州李十一舍人果州崔二十二員外開州韋大員外通州元九侍御庾三十二補闕杜十四拾遺

李二十助教竇七校書二妙馳軒陛三英詠袴襦庾三十

四並居北省李十一崔二十二韋大各典方州李多嘲蝓蜒竇數入集蜘蛛李

十雅善歌詩固多詠物之作竇數子皆奇貨唯予獨朽

七頻改官銜屢有蜘蛛之喜

株邯鄲笑匍匐燕蒯受擲揄嬾學三閭憤甘齊百里愚
耽眠希醒素憑醉少嗟吁學問徒為爾書題盡已乎別
猶多夢寐情尚感凋枯近喜司戎健尋傷掌誥徂

今日得樂

天書六年
間席八歿

士元名位屈伯道子孫無舊好飛瓊翰新詩

灌玉壺幾催閒處泣終作苦中娛廉蔭聲相讓燕秦勢

豈俱此篇應絕倒休漫將髭鬚

樂天戲題篇末云此篇
擬打足下寄容州詩故

有戲
譽

和樂天送客遊嶺南二十韻

次用
本韻

我自離鄉久君那度頻頻一杯魂慘澹萬里路艱辛江

館連沙市瀧船泊水濱騎田迴北顧桐柱指南鄰大壑

浮三島周天過五均波心湧樓閣規外布星辰交廣間南極浸

高北極浸低圓規度外星辰至衆狒狒穿筒格猩猩置

屐郭璞云離離交廣山谷間有之南人俗法常用竹筒穿臂以受之狒狒執臂而笑笑則唇蔽兩目人

因自筒中出手以釘釘之于樹猩猩嗜酒好屐南人常

以美酒置于其所且排十數屐猩猩見之驟相謂曰吾

幾就擒矣然而漸飲至醉醉則穿破屐而行既不能去

相與泣而見獲故吳都賦曰猩猩啼而就擒嚙嚙笑而

被格蓋貢鯁鮫女絹俗重語兒巾

南方去京華絕遠冠冕不到唯海路稍通

吳中商肆多勝云
此有語兒巾子

舶主胥藏寶

南方呼波斯為舶主胡人異寶多自懷藏以避

強黃家砦

音柴去聲南夷之區落

起塵歌鐘排象背炊爨上魚身

夷民大陳設則巨象背上作樂大魚出浮身若電白雷洲島海人泊舟于傍因而炊爨其上魚不之覺

山接旗紅賊艦新島夷徐市種廟覲趙佗神鳶跼方知

瘴蛇蘇不待春曙潮雲斬斬夜海火燐燐

海水夜擊之則盡如火蓋

陰火潛然之謂也

冠冕中華客梯航異域臣果然

獠屬

皮勝錦吉

了名舌如人風點秋茅葉煙埋曉月輪定應玄髮變馬用翠毛珍句漏沙須買貪泉貨莫親能傳稚川術何患

隱之貧

會真詩三十韻

微月透簾櫳，螢光度碧空。
遙天初縹緲，低樹漸蔥龍。
龍吹過庭竹，鸞歌拂井桐。
羅綃垂薄霧，環珮響輕風。
絳節隨金母，雲心捧玉童。
更深人悄悄，晨會雨濛濛。
珠瑩光文履，花明隱繡籠。
寶釵行彩鳳，羅帔掩丹虹。
言自瑤華浦，將朝碧帝宮。
因游李城北，偶向宋家東。
戲調初微拒，柔情已暗通。
低鬟蟬影動，迴步玉塵蒙。
轉面流花雪，登

床抱綺叢鴛鴦交頸舞翡翠合歡籠眉黛羞偏聚朱唇
暖更融氣清蘭蕊馥膚潤玉肌豐無力慵移腕多嬌愛
斂躬汗光珠點點髮亂綠蔥蔥方喜千年會俄聞五夜
窮留連時有限繾綣意難終慢臉含愁態芳詞誓素衷
贈環明運合留結表心同啼粉流清鏡殘燈繞暗蟲華
光猶冉冉旭日漸瞳瞳警乘還歸洛吹簫亦上嵩衣香
猶染麝枕膩尚殘紅幕幕臨塘草飄飄思渚蓬素琴鳴
怨鶴清漢望歸鴻海闊誠難度天高不易沖行雲無處

所蕭史在樓中

清都春霽寄胡三吳十一

藥珠宮殿經微雨
草樹無塵耀眼光
白日當空天氣暖
好風飄樹柳陰涼
蜂憐宿露攢芳久
燕得新泥拂戶忙
時節催年春不住
武陵花謝憶諸郎

送友封工首

黔府寶翠
字友封

桃葉成陰燕引雛
南風吹浪颭檣烏
瘴雲拂地黃梅雨
明月滿帆青草湖
迢遞旅魂歸去遠
顛狂酒興病來孤

知君兄弟憐詩句遍為姑將慳大巫

惠和坊裏當時別豈料江陵送上船鵬翼張風期萬里
馬頭無角已三年甘將泥尾隨龜後尚有雲心在鶴前
若見中丞忽相問為言腰折氣衝天

放言

近來逢酒便高歌醉舞詩狂漸欲魔五斗解醒猶恨少
十分飛盞未嫌多眼前讐敵都休問身外功名一任他
死是老閒生也得擬將何事奈吾何

莫將心事厭長沙雲到何方不是家酒熟鋪糟學漁父
飯來開口似神鷄竹枝待鳳千莖直柳樹迎風一向斜
總被天公霑雨露等頭成長盡生涯

霆轟電烜數聲頻不奈狂夫不藉身縱使被雷燒作燼
寧殊埋骨颺為塵得成蝴蝶尋花樹倘化江魚掉錦鱗
必若乖龍在諸處何須驚動自來人

安得心源處處安何勞終日望林巒玉英惟向火中冷
蓮葉元來水上乾甯戚飯牛圖底事陸通歌鳳也無端

孫登不語啟期樂各自當情各自歡

三十年來世上行也曾狂走趁浮名兩回左降須知命
數度登朝何處榮乞我杯中松葉滿遮渠肘上柳枝生
他時定葬燒缸地賣與人家得酒盛

送友封

輕風畧畧柳欣欣晴色空濛遠似塵斗柄未回猶帶閨
江痕潛上已生春蘭成宅裏尋枯樹宋玉亭前別故人
心斷洛陽三兩處窈娘堤抱古天津

早春尋李校書

款款春風澹澹雲柳枝低作翠櫳梅含雞舌魚紅氣
江弄瓊花散綠紋帶霧山鶯啼尚小穿沙蘆筍葉纔分
今朝何事偏相覓撩亂芳情最是君

贈嚴童子

嚴司空孫字照郎十歲能賦詩
往往有奇句書題有成人風

衛瓘諸孫衛玠珍可憐雛鳳好青春解拈玉葉排新句
認得金環識舊身十歲佩觿嬌穉子八行飛札老成人
楊公莫訝清無業家有驪珠不復貧

酬樂天得微之詩知通州事因成四首

茅簷屋舍竹籬州虎怕偏蹄蛇兩頭

通州元和二年偏蹄虎害人比之白

額兩頭蛇處處皆有之也

暗蠱有時迷酒影浮塵向日似波流沙含

水弩多傷骨田仰畬刀少用牛知得共君相見否近來

魂夢轉悠悠

平地才應一頃餘閣欄都大似巢居

巴人多在山坡架木為居自號閣欄

也頭入衙官吏聲疑鳥下峽舟船腹似魚市井無錢論尺

大田疇付火罷耘鋤此中愁殺須甘分惟惜平生舊著

書

本句云努力安心過三考已曾愁殺李尚書又余病甚將平生所為文自題云異日送白二十二郎也

哭鳥畫飛人見少，
偃魂夜嘯虎行多。
滿身沙虱無防處，
獨脚山魃不奈何。
甘受鬼神侵骨髓，
常憂岐路起風波。

南歌未有東西分，
敢唱滄浪一字歌。

本句云時時三唱濯纓歌

荒蕪滿院不能鋤，
甑有塵埃圃乏蔬。
定覺身將囚一種，
未知生共死何如。
如饑搖困尾，
喪家狗熱暴枯鱗。
失水魚苦境萬般，
君莫問自憐方寸本來虛。

以州宅夸於樂天

州城迴繞拂雲堆鏡水稽山滿眼來四面常時對屏障
一家終日在樓臺星河似向簷前落鼓角驚從地底迴
我是玉皇香案吏謫居猶得住蓬萊

重夸州宅旦暮景色兼酬前篇末句

仙都難畫亦難書暫合登臨不合居繞郭烟嵐新雨後
滿山樓閣上燈初入聲曉動千門闢湖色宵涵萬象虛
為問西州羅刹岸濤頭衝突近何如

和樂天早春見寄

雨香雲澹覺微和誰送春聲入櫺歌萱近北堂穿土早
柳偏東面受風多湖添水劑消殘雪江送潮頭湧漫波
同受新年不同賞無由縮地欲如何

初除浙東妻有阻色因以四韻曉之

嫁時五月歸巴地今日雙旌上越州興慶首行千命婦

予在中書日妻以郡君朝
太后於興慶宮猥為班首

會稽旁帶六諸侯海樓翡翠

閒相逐鏡水鴛鴦暖共浮我有主恩羞未報君於此外

更何求

鶯鶯詩

殷紅淺碧舊衣裳
取次梳頭閣澹妝
夜合帶烟籠曉月
牡丹經雨泣殘陽
低迷隱笑原非笑
彷彿聞香不是香
頻動橫波嗔阿母
等閒教見小兒郎

友封體

雨送浮涼夏簟清
小樓腰褥怕單輕
微風暗度香囊轉
朧月斜穿隔子明
樺燭焰高黃耳吠
柳堤風靜紫騮聲
頻頻聞動中門鎖
桃葉知嗔未敢迎

追昔遊

謝傅堂前音樂和
狗兒吹笛膽娘歌
花園欲盛千場飲
水閣初成百度過
醉摘櫻桃投小玉
嬾梳叢鬢舞曹婆
再來門館惟相弔
風落秋池紅葉多

遣悲懷

謝公最小偏憐女
自嫁黔婁百事乖
顧我無衣搜藎草
簞泥他沽酒拔金釵
野蔬充膳甘長藿
落葉添薪仰古槐
今日俸錢過十萬
與君營奠復營齋

昔日戲言身後意今朝皆到眼前來衣裳已施行看盡
針線猶存未忍開尚想舊情憐婢僕也曾因夢送錢財
誠知此恨人人有貧賤夫妻百事哀

閒坐悲君亦自悲百年都是幾多時鄧攸無子尋知命
潘岳悼亡猶費詞同穴窅冥何所望他生緣會更難期
唯將終夜長開眼報答平生未展眉

菊花

秋叢遶舍似陶家遍插籬邊日漸斜不是花中偏愛菊

此花開盡更無花

晚春

晝靜簷疎燕語頻
雙雙鬪雀動階塵
柴扉日暮隨風掩
落盡閒花不見人

梁州夢

是夜宿漢川驛夢與杓直樂天同遊曲江兼入慈恩寺諸院儵然而寤則遽乘及階

郵吏已傳呼報曉矣

夢君同遠曲江頭也
向慈恩院院遊
亭吏呼人排去馬

忽驚身在古梁州

紀事云樂天別禎後旬日間遊曲江及慈恩寺飲酣憶禎作詩有計程今

日到梁州之句後得稹書果以是日至褒寄
此詩千里神交若合符契焉有感夢記述

仁風李著作園醉後寄李十

朧明春月照花枝花下音聲是管兒却笑西京李員外
五更騎馬趁朝時

書樂天紙

金鑾殿裏書殘紙乞與荊州元判司不忍拈將等閒用
半封京信半題詩

桐孫詩并序

元和五年予貶掾江陵三月二十四日宿曾峰
館山月曉時見桐花滿地因有八韻寄白翰林
詩當時草蹙未暇紀題及今六年詔許西歸去
時桐樹上孫枝已拱矣予亦白鬚兩莖而蒼然
斑鬢感念前事因題舊詩仍賦桐孫詩一絕又
不知何年復來商山道中元和十年正月題
去日桐花半桐葉別來桐樹老桐孫城中過盡無窮事
白髮滿頭歸故園

西歸絕句

雙堠頻頻減去程，漸知身得近京城。
春來愛有歸鄉夢，

一半猶疑夢裏行。

五年江上損容顏，今日春風到武關。
兩紙京書臨水讀，

得復言樂天書小桃花樹滿商山。

同歸諫院韋丞相，韋丞相貫之共貶河南亞大夫。
裴中今日丞度

還鄉獨慙悴，幾人憐見白髭鬚。

只去長安六日期，多應及得杏花時。
春明門外誰相待，

不夢閒人夢酒卮

閒遊寺觀從容到遍問親知次第尋腸斷裴家光德宅
無人掃地戟門深

寒窓風雪擁深爐彼此相傷指白鬚一夜思量十年事

幾人強健幾人無

宿寶十二
藍田宅

雲覆藍橋雪滿溪須臾便與碧峰齊風迴麴市連天合
凍壓花枝著水低

見樂天詩

通州到日日平西
江館無人虎印泥
忽向破簷殘漏處
見君詩在柱心題

聞樂天授江州司馬

殘燈無焰影幢幢
此夕聞君謫九江
垂死病中驚坐起
暗風吹雨入寒窓

白樂天云此詩他人尚不可聞況僕哉

得樂天書

遠信入門先有淚
妻驚女哭問何如
尋常不省曾如此
應是江州司馬書

重贈商玲瓏兼寄樂天

休遣玲瓏唱我詩我詩多是別君詞明朝又向江頭別

月落潮平是去時

勝說云商玲瓏為杭州歌者樂天作
郡日賦歌與之元微之在越厚幣邀

至月餘使盡歌所唱之
曲作詩送行兼寄樂天

寄浙西李大夫

柳眼梅心漸欲春白頭西望憶何人
金陵太守曾相伴
共蹋銀臺一路塵

藥珠深處少人知網索西臨太液池
浴殿曉聞天語後

步廊騎馬笑相隨

網索在太液池上
學士候對歇于此

禁林同直話交情無夜無曾不到明
最憶西樓人靜後

玉宸鐘磬兩三聲

玉宸觀在紫宸殿後也

為樂天自勘詩集因思頃年城南醉歸馬上遞唱

艷曲十餘里不絕長慶初俱以制誥侍宿南郊

齋宮夜後偶吟數十篇兩掖諸公泊翰林學士

三十餘人驚起就聽逮至卒吏莫不衆觀羣公

直至侍從行禮之時不復聚寐予與樂天吟哦

竟亦不絕因書於樂天卷後越中冬夜風雨不
覺將曉諸門互啟闕鎖即事成篇

春野醉吟十里程齋宮潛詠萬人驚今宵不寐到明讀
風雨曉聞開鎖聲

和嚴給事聞唐昌觀玉藥花下有遊仙

弄玉潛過玉樹時不教青鳥出花枝的應未有諸人覺
只是嚴郎卜得知

六年春遣懷

傷禽我是籠中鶴
沈劍君為泉下龍
重續猶存孤枕在
春衫無復舊裁縫

檢得舊書三四紙
高低濶狹粗成行
自言併食尋常事
唯念山深驛路長

公無渡河

樂府題

音響絕已隔前春
復去秋今日閒窓拂

塵土殘絃猶迸細
瑩篴

婢僕曬君餘服用
嬌癡稚女遶床行
玉梳鈿朶香膠解
盡日風吹毒瑁箏

劉阮妻

芙蓉脂肉綠雲鬟
卷畫樓臺青黛山
千樹桃花萬年藥
不知何事憶人間

壓牆花

野性大都迷里巷
愛將高樹記人家
春來偏認平陽宅
為見牆頭拂面花

憶事

夜深閒到戟門邊
却遶行廊又獨眠
明月滿庭池水綠

桐花垂在繡簾前

春曉

半欲天明半未明
醉聞花氣睡聞鶯
娃兒撼起鐘聲動
二十年前曉寺情

離思詩

自愛殘妝曉鏡中
環釵慢篸綠絲叢
須臾日射燕脂頰
一朵紅蘇旋玉融

山泉散漫遶堦流
萬樹桃花映小樓
閒讀道書慵未起

水晶簾下看梳頭

紅羅著壓逐時新
杏子花紗嫩麴塵
第一莫嫌才地弱
些些紕繆最宜人

曾經滄海難為水
除却巫山不是雲
取次花叢嬾迴顧
半緣脩道半緣君

尋常百種花齊發
偏摘梨花與白人
今日江頭兩三樹
可憐和葉度殘春

此五詩本事傳以
為悼韋夫人作

雜憶五首


今年寒食月無光
夜色纔侵已上牀
憶得雙文通內裏
玉櫳深處暗聞香

花籠微月竹籠煙
百丈絲繩拂地懸
憶得雙文人靜後
潛教桃葉送鞦韆

寒輕夜淺遶迴廊
不辨花叢暗辨香
憶得雙文朧月下
小樓前後捉迷藏

山榴似火葉相魚
亞拂磚堦半拂簷
憶得雙文獨披掩
滿頭花草倚新簾

春冰消盡碧波湖漾影殘霞似有無憶得雙文衫子薄
鈿頭雲映褪紅蘇



御定全唐詩錄卷六十七

欽定四庫全書

集部

御定全唐詩錄卷六十八

九

詳校官左中允_臣瑋五珠

主事銜_臣徐以坤覆勘

總校官原任中允_臣王燕緒

校對官編修_臣沈清藻

謄錄監生_臣陳秉寧

欽定四庫全書

御定全唐詩錄卷六十八

呂溫

溫字和叔一字化光河中人貞元末擢進士第五
叔文引為左拾遺轉侍御史使吐蕃元和初還進
戶部員外郎歷刑部郎中坐構宰相李吉甫貶道
州刺史轉衡州秩滿歸京不得意發疾卒溫天才
俊拔文彩贍逸為時流柳宗元劉禹錫所稱

新唐書曰溫副張薦使吐蕃時順宗新立叔文秉
權與遊者皆貴顯溫留絕域不得還常自悲及還
而柳宗元等皆坐貶溫獨免然性險訐詭復與
竇羣羊士諤謀逐李吉甫會吉甫病召醫宿里第
劾吉甫交通術士憲宗召訊虛將悉誅之吉甫救
免

劉夢得序云溫少時師吳郡陸質通春秋入從安
定梁肅學文章得一善輒盱衡擊節揚袂頓足勇

於藝能咸有所祖

徐獻忠曰衡州早擅宏詞富矜搖藻五言律亦多
綺拔惜其內有泛思外有遺象不能自振其餘波
耳

古體詩

奉勅祭南嶽

皇家禮赤帝謬獲司封域致齋紫蓋下宿設祝融側鳴
澗驚宵寐清猿遞時刻澡潔事夙興簪佩思盡飭危壇

象岳趾秘殿翹翬翼登拜不遑顧酌獻皆累息贊道儀
匪繁祝史詞甚直忽覺心魂悸如有精靈逼漠漠雲氣
生森森杉柏黑風吹虛簫韻露洗寒玉色寂寞有至公
馨香在明德禮成謝邑吏駕言歸郡職憇桑訪蠶事遵
疇課農力所願風雨時迴首瞻南極

古興

越歐百鍊時楚卞三泣地二寶無人識千齡皆棄置空
巖起白虹古獄生紫氣安得命世客直來開奧秘劍任

刺鐘看玉從投火試必能絕疑惑然後論奇異

岳陽懷古

晨飈發荊州落日到巴丘方知剗剗利可接鬼神遊二
湖豁南浸九派駛東流襟帶三千里盡在岳陽樓憶昔
鬪羣雄此焉爭上游吳昌屯虎旅晉盛驚龍舟宋齊紛
禍難梁陳成寇讐鐘鼓長震耀魚龍不得休風雲一蕭
散功業忽如浮今日時無事空江滿白鷗

同舍弟歲暮寄晉州李六協律三十韻

古人猶悲秋況復歲暮時急景迫流念窮陰結長悲陽
烏下西嶺月鵲驚南枝攬衣步霜砌倚杖臨冰池怳怳
若有失悄悄良不怡忽聞晨起吟宛是同所思有美壯
感激無何遠栖遲摧藏變化用掩抑扶搖姿時傑豈虛
出天道信可欺巨川望汜濟寒谷待潛吹劍匣益精利
玉韜寧磷緇戒哉輕沾諸待矣自寵之伊我抱微尚仲
氏即心期討論自少小形影相差池比來胸中氣欲耀
天下奇雲雨沛蕭艾煙閣雙菱蕤幾年困方枘一旦迷

多岐道因窮理悟命以盡性知事去類絕絃時來如轉
規伊吕偶然得孔孟徒爾爲早行多露悔強進觸藩羸
功名豈身利仁義非我私萬物自身化一夫何驅馳不
如任行吾安命審所宜勸君休感歎與予陶希夷明年
郊天後慶澤歲華滋曲水杏花雪香街青柳絲良時且
暫歡罇酒聊共持間過漆園叟醉看五陵兒寄言思隱
處不久來相追

道州觀野火

南風吹烈火焰焰燒楚澤陽景當晝連陰天半夜赤過
處若彗掃來時如電激豈復辨蕭艾焉得分玉石蟲蛇
盡燂爛虎兕出奔迫穢穢一蕩除和氣始融液堯時既
敬授禹稼斯肇迹遍生合穎禾大秀兩岐麥家有京坻
詠人無溝洫感若悟焚如功來歲終受益

登少陵原望秦中諸川太原王至德妙用有水術
因用感歎

少陵最高處曠望及秋空羣山噴清源脉散秦川中荷

鋪成雲雨由來非鬼工如何盛明代委棄傷幽風涇灞
徒絡繹漆沮虛會同東流滔滔去沃野飛秋蓬大禹平
水土吾人得其宗發機迴地勢運思與天通早欲獻奇
策豐財叙西戎豈知年三十未識大明宮卷爾出岫雲
追吾入冥鴻無為學驚俗狂醉哭途窮

風詠

微風生青蘋習習出金塘輕搖深林翠靜獵幽徑芳掩
抑時未來鴻毛亦無傷一朝乘嚴氣萬里號清霜北走

摧鄧林東去落扶桑掃却垂天雲澄清無私光悠然返
空寂晏海通舟航

上官昭容書樓歌

貞元十四年友人崔元亮於東都買得研神記一卷有昭容列

名書縫處因用
感歎而作是歌

漢家婕妤唐昭容工詩能賦千載同自言才藝是天真
不服丈夫勝婦人歌闌舞罷間無事縱恣優游弄文字
玉樓寶架中天居絨奇秘異萬卷餘水精編帙綠鈿軸
雲母擣紙黃金書風飄花露清旭時綺窓高掛紅綃帷

香囊盛煙繡結絡翠羽拂案青琉璃吟披嘯卷終無已
皎皎淵機破研理詞縈綵翰紫鸞迴思耿寥天碧雲起
碧雲起心悠哉境深轉苦坐自摧金梯珠履聲一斷瑤
堦日夜生青苔青苔悶僊關曾比羣玉山神仙杳何許
遺迹滿人間君不見洛陽南市賣書肆有人買得研神
記紙上香多蠹不成昭容題處猶分明令人惆悵難為
情

近體詩

蕃中拘留歲餘迴至隴右先寄城中親故

蓬轉星霜改蘭陔色養違窮泉百死別絕域再生歸鏡
數成絲髮囊收杖血衣酬恩有何力祇棄一毛微

喜儉北至送宗禮南行

洞庭舟始泊桂江帆又開魂從會處斷愁向笑中來
惝恍看殘景殷勤祝此杯衡陽刷羽待成取一行迴

道州途即事

零桂佳山水營陽舊日同經途看不暇遇境說難窮
疊

障青時合澄湘漫處空舟移明鏡裏路入畫屏中巖壑
千家接松蘿一徑通漁燈生縹緲犬吠隔葱蘢戲鳥留
餘翠幽花悅晚紅光翻沙瀨日香散橘園風信美非吾
土分憂屬賤躬守愚資地僻卹隱望年豐且保心能靜
那求政必工課終如免戾歸養洛城東

白雲起封中詩

題中用韻
六十字成

封開白雲起漢帝坐齋宮望在泥金上疑生秘玉中攢
柯初繚繞布葉漸蒙籠日觀祥光合天門瑞氣通無心

似出岫有勢欲凌風倘遣成膏澤從茲遍太空

夏日題尋真觀李寬中秀才書院

閒院開軒笑語闌江山併入一壺寬微風但覺杉香滿
烈日方知竹氣寒披卷最宜生白室吟詩好就步虛壇
願君此地政文字如煉仙家九轉丹

經河源軍漢邨作

行行忽到舊河源城外千家作漢邨樵採未侵征虜墓
耕耘猶就破羌屯金湯天險長全設伏臘華風亦暗存

暫住單車空下淚有心無力復何言

劉郎浦口號

吳蜀成婚此水潯明珠步障屋黃金誰將一女輕天下
欲換劉郎鼎峙心

貞元十四年旱甚見權門移芍藥

綠原青壠漸成塵汲井開園日日新四月帶花移芍藥
不知憂國是何人

鮑溶

溶字德源元和四年進士第與韓愈李正封孟郊
相友善其詩氣力宏贍博識清度雅正高古衆材
無不備具

古體詩

羽林行

朝出羽林宮入叅雲臺議獨請萬里行不奏和親事君
王重年少深納開邊利寶馬雕玉鞍一朝從萬騎煌煌
都門外祖帳光七貴歌鐘樂行軍雲物慘別地蕭笳整

部曲幢蓋動郊次臨風親戚懷滿袖兒女淚行行復何
贈長劍報恩字

織婦詞

百日織綵絲一朝停杼機機中有雙鳳化作天邊衣使
人馬如風誠不阻音徽影響隨羽翼雙雙繞君飛行人
豈願行不怨不知歸所怨天盡處何人見光輝

怨詩

女蘿寄松栢綠蔓花綿綿三五定君婚結髮早移天肅

肅雉雁禮泠泠琴瑟篇恭承采蘋祀敢效同車賢皎日
不留景良時如逝川愁心忽移愛花貌無歸妍翠袖洗
朱粉碧階封綺錢新人易如玉廢瑟難為絃寄羨舜華
木榮君香閣前豈無搖落苦貴與根蒂連希君舊光景
照妾薄暮年

秋思

朔風吹雁翼遠別無人鄉君近雁來處幾回斷君腸昔
奉十日書撫心怨星霜無書又十日世路重茫茫燕國

有佳麗蛾眉富春光自然君歸晚花落君空堂君其謂
不然歲晚雙鴛鴦

顧兔蝕殘月幽光不如星女兒晚事夫顏色同秋螢秋
日邊馬嘶武夫不遑寧燕歌易水怨劍舞蛟龍腥風折
連枝樹水翻無蒂萍立身多門戶何必燕山銘生世不
如鳥雙雙比翼翎

岐路

北風送微寒徒侶勤遠程憂人席不暖殘月馬上明飄

飄岐路間長見日初生重嶂曉色淺疎猿寒啼清人間
多岐路常恐終身行回見四方人車輪無留聲空谷亦
堪隱下田非嬾耕古人有遺訓飽食非親榮我生禮義
鄉少小見太平賢聖猶羈旅況復非其名

秋日山中寄懷李端公益

舊事與日遠秋花依舊香前年繡衣客此節過此堂侍
臣不自高笑解繡衣裳眠雲有餘意入鳥不亂行我恐
雲嵐色損君鞍馬光君言此何言明日皆異鄉明日非

今日山下道路長一從下山來天地再炎涼此中會難
得夢君馬玄黃

采蓮曲二首

弄舟竭來南塘水蓮葉映身摘蓮子暑衣鮮淨鴛鴦喜
作浪舞花驚不起殷勤護惜纖纖指水菱初熟多新刺
採蓮竭來水無風蓮潭如鏡船如龍夏衫短袖交斜紅
艷歌笑鬪新芙蓉戲魚來往蓮花東

鳴雁行

七月朔方雁心苦聯影翻空落南土八月江南陰復晴
浮雲繞天難夜行羽翼勞痛心虛驚一聲相呼百處鳴
楚童夜宿煙波測沙上布羅連草色月暗風悲欲下難
不知何處容棲息楚童何為傷我身爾不曾作遠行人
江南羽族本不少寧得網羅此客鳥

李夫人歌

璿閨羽帳華燭陳方士夜降夫人神歲蕤半露芙蓉色
窈窕將期環珮身麗如三五月可望難親近顰黛含悽

竟不言春思秋怨誰能問欲求巧笑如生時歌塵在空
瑟御絲神來未及夢相見帝比初亡心更悲愛之欲其
生又死東流萬代無回水宮漏丁丁夜向晨煙銷霧散
愁方士

采葛行

春溪幾回葛花黃黃麝引子山山香蠻女不惜手足損
鉤刀一一牽葛長葛絲茸茸春雪體深澗擇泉清處洗
殷勤十指蠶吐絲當窗娟娟聲高機織成一疋無一兩

供進天子五月衣水晶夏殿開涼戶冰山繞座猶難御
衣親玉體又何如杳然獨對秋風曙鏡湖女兒嫁鮫人
鮫綃逼肖色不分吳中角簾泛清水搖曳勝被三素雲
自茲貢薦無人惜那敢更爭龍手跡蠻女將來海市頭
賣與嶺南貧估客

採珠行

東方暮空海面平驪龍弄珠燒月明海人驚窺水底火
百寶錯落隨龍行浮心一夜生姦見月質龍軀看幾遍

擘波下去忘此身
迢迢謂海無靈神
海宮正當龍睡重
昨夜孤光今得弄
河伯空憂水府貧
天吳不敢相驚動
一團冰容掌上清
四面人入光中行
騰華乍搖白日影
銅鏡萬古羞爲靈
海邊老翁怨狂子
抱珠哭向無底水
一富何須龍頷前
千金幾葬魚腹裏
鱗蟲變化回陰陽
填海破山無景光
捫心髣髴失珠意
此土爲爾離農桑
飲風衣日亦飽暖
老翁擲却同雞卵

近體詩

薦水

西陸宜先啟春寒寢廟清
歷官分氣候天子薦精誠已
辨瑤池色如和玉佩鳴禮
餘神轉肅曙後月殘明雅合
霜容潔非同雪體輕空憐一
掬水珍重此時情

人日陪宣州范中丞傳正范
侍御傳貞宴東風亭
人日春風綻早梅謝家兄弟
看花來吳姬對客歌千曲
秦女留人酒百杯絲柳向空
初宛轉玉山看日漸徘徊
流光易去歡難得莫厭頻頻
上此臺

山居

窈窕垂蘿澗，蒙茸采葛花。
鴛鴦憐碧水，照影舞金沙。

酬范侍御

雲髻鳳文鈿，對君歌少年。
萬金酬一顧，莫惜十千錢。
玉管傾杯樂，春園鬪草情。
野花無限意，處處逐人行。
聞道中山酒，一杯千日醒。
黃鶯似傳語，勸酒太丁寧。
紅袂歌聲起，因君始得聞。
黃昏小垂手，與我駐浮雲。

懷僊詞

閭峯綺閣幾千丈瑤水西流十二城曾見周靈王太子
碧桃花下自吹笙

漢宮辭

月映東窓似玉輪未央前殿絕聲塵宮槐花落西風起
鸚鵡驚寒夜喚人

隋宮

柳塘煙起日西斜竹浦風迴雁弄沙煬帝春遊古城在
壞宮芳草滿人家

贈楊鍊師

紫煙衣上繡春雲
清隱山書小篆文
明月在天將鳳管
夜深吹向玉晨君

道士夜誦藥珠經
白鶴下繞香煙聽
夜移經盡人上鶴
仙風吹入秋冥冥

索王播侍御蜀牋

蜀川牋紙綵雲初
聞說王家最有餘
野客思將池上學
練裙紅葉不堪書

送僧遊天台

身非居士常多病心愛空王稍覺閒
師問寄禪何處所
浙南青翠沃州山

吳中夜別

楚客秋思著黃葉吳姬夜歌停碧雲
聲盡鐙前各流淚
水天涼冷雁離羣

張仲素

仲素字續之河間人宰相濬之祖也官司勲負外

郎曾與王涯令狐楚同為舍人合編其五七言絕
句爲三舍人集

近體詩

天馬詞

天馬初從渥水來郊歌曾唱得龍媒不知玉塞沙中路
苜蓿殘花幾處開

躑躅宛駒齒未齊撻金噴玉向風嘶來時行盡金河道
獵獵輕風在碧蹄

閨人思

愁見遊空百丈絲
春風惹斷更傷離
閒花落徧蒼苔地
盡日無人誰得知

秋閨怨

桂魄初生秋露微
輕羅已薄未更衣
銀箏夜久殷勤弄
心怯空房不忍歸

秋夜曲

丁丁漏永夜何長
漫漫輕雲露月光
秋逼暗蟲通夕響

征衣未寄莫飛霜

碧窓斜月藹清輝
愁聽寒蟬淚濕衣
夢裏分明見關塞
不知何路向金微

秋天一夜靜無雲
斷續鴻聲到曉聞
欲寄征人問消息
居延城外又移軍

博山沉燎絕餘香
蘭燼金檠怨夜長
爲問青青河畔草
幾回經雨復經霜

燕子樓詩

按白樂天序云此詩張仲素為關盼盼作也應屬仲素但諸刻屬關故兩存之

樓上殘燈伴曉霜獨眠人起合歡牀相思一夜情多少
地角天涯不是長

北邙松柏鎖愁烟燕子樓中思悄然自埋劍履歌塵散
紅袖香消已十年

適看鴻雁岳陽回又覩玄禽逼社來瑤瑟玉簫無意緒
任從蛛網任從灰

段文昌

文昌字墨卿西河人家荊州相穆宗再相文宗出

鎮荆南移蜀

近體詩

題武擔寺西臺

秋天如鏡空樓閣盡玲瓏
水暗餘霞外山明落照中
鳥行看漸遠松韻聽難窮
今日登臨意多歡語笑同

晚夏登張儀樓呈院中諸公

重樓窓戶開四望斂烟埃
遠岫林端出清波城下迴
乍疑蟬韻促稍覺雪風來
併起鄉關思銷憂在酒杯

嚴休復

休復爵里未詳

近體詩

唐昌觀玉藥花

終日齋心禱玉宸
魂銷目斷未逢真
不如滿樹瓊瑤蕊
笑對藏花洞裏人

羽車潛下玉龜山
塵世何人覩舜顏
惟有無情枝上雪

好風吹綴綠雲鬟

元和中揚州唐昌觀玉蕊花盛開見一女子從以二女冠三小僕直造花

所佇立良久命小童折花數枝謂黃冠者曰曩有玉峯之期自此可以行矣行百許步遂不復見休復有詩元微之白樂天皆有和詩云

李涉

涉洛陽人初與弟渤同隱廬山後應陳許辟憲宗時試太子通事舍人謫峽州司倉叅軍太和中爲大學博士復流康州自號青谿子

張爲作主客圖以孟雲卿爲高古奧逸主以涉爲入室

古體詩

鷓鴣詞

湘江煙水深沙岸隔楓林何處鷓鴣飛日斜斑竹陰二
女虛垂淚三閭枉自沉惟有鷓鴣啼獨傷行客心

越岡連越井越鳥更南飛何處鷓鴣啼夕烟東嶺歸嶺
外行人少天涯北客稀鷓鴣啼別處相對淚沾衣

六嘆

并序
選二首

五噫四愁九歌七啟皆創文者立意之終絕其

數而名之也清江白雲孤山遠嶼皆得時之人
吟咏性情耳余無暇於是焉窮居歲陰偶懷無
悵因追感聞見成文六篇目曰六歎懼質文之
不備復何全於比興乎錄之私齋以示同道格
韻枯缺多慙見知

深院梧桐夾金井上有轆轤青絲索美人清晝汲寒泉
寒泉欲上銀瓶落迢迢碧甃千餘尺竟日倚闌空嘆息
惆悵不來照明鏡却掩洞房花寂寂

綺幙香風翡翠車
清明獨倚芙蓉渠
上有雲鬟洞仙女
垂羅掩殺烟中語
風月頻驚桃李時
滄波久別鴛鴦侶
欲傳一札孤飛翼
山長水遠無消息
却鑠重門一院深
半夜空庭明月色

春山三朶來

釣魚竭來春日暖
松溪不厭舟行緩
野竹初栽碧玉長
澄潭欲下青絲短
昔人避地無避仇
暮栖雲外身悠悠
我今無事亦如此
赤鯉忽到長竿頭
汎汎隨波凡幾里

碧莎如烟沙似砥瘦壁橫空怪石危山花鬪石禽爭水
有時帶月歸扣舷身閒自是漁家仙

山上竭來採新茗新花亂發前山頂瓊英動搖鐘乳碧
叢叢高下隨崖嶺未必蓬萊有仙藥能向鼎中雲漠漠
越甌遙見裂鼻香欲覺身輕騎白鶴

採藥竭來藥苗盛藥生只倚行人徑世人重耳不重目
指似藥苗心不足野客住山三十載妻兒共寄浮雲外
小男學語便分別已辨君臣知配匹都市廣長開大鋪

疾來求者多相悞見說韓康舊姓名識之不識先相怒

寄荊娘寫真

章華臺南莎草齊長河柳色連金堤青樓瞳矐曙光蚤
梨花滿巷鶯新啼章臺玉顏年十六小來能唱西涼曲
教坊大使久知名郢上詞人歌不足少年才子心相許
夜夜高唐夢雲雨五銖香帔結同心三寸紅箋替傳語
緣池並戲雙鴛鴦田田翠葉紅蓮香百年恩愛兩相許
一日不見生愁腸上清仙女徵遊伴欲從湘靈住河漢

只愁陵谷變人寰空歎桑田歸海岸願分精魄定形影
永似銀壺掛金井召得丹青絕世工寫真與身真相同
忽然相對兩不語疑是妝成來鏡中豈期人願天不違
雲輶却駐從山歸畫圖封裏寄箱篋洞房艷艷生光輝
良人翻作東飛翼却遣江頭問消息經年不得一封書
翠幕雲輶遶空壁結客有少年名總身姓江征帆三十
里前月發豫章知我別時言識我馬上郎恨無羽翼飛
使我徒怨滄浪長開篋取畫圖寄我形影與客將如今

憔悴不相似恐君重見生悲傷蒼梧九疑在何處斑斑
竹淚連瀟湘

近體詩

柳枝詞

錦池江上柳垂橋風引蟬聲送寂寥不必如絲千萬縷
只禁離恨兩三條

竹枝歌

十二山晴花盡開楚宮雙闕對陽臺細腰爭舞君王醉

白日秦兵江上來

竹裏

竹裏編茅倚石根
竹莖疎處見前村
眠盡日無人到
自有春風爲掃門

題招隱寺即戴顓舊宅

兩崖古樹千般色
一井寒泉數丈冰
欲問前朝戴居士
野烟秋草是丘陵

過湖州妓宋態宜

曾識雲仙至小時芙蓉頭上綰青絲當時驚覺高唐夢
惟有而今宋玉知

陵陽夜會使君筵解語花枝出眼前一從明月西沉海

不見嫦娥二十年

紀事云涉至揚州一女子拜且泣問之曰態宜也故吳興劉員外全白之

愛姬劉李有昔年之分因贈詩

贈夜客

暮雨蕭蕭江上村綠林豪客夜知聞他時不用相迴避

世上如今半是君

涉嘗過九江至皖口遇盜問何人從者曰李博士也其豪首曰若是李涉

博士不用剽奪久聞詩名願題一篇足矣涉遂題此絕
贈之范攄雲溪友議云李彙征常客遊閩越至循州
冒雨求宿或指韋氏莊居韋氏杖履迎賓年八十餘自
稱曰野人韋思明留之累夕談論諸家之作次及李涉
主人酷稱善已而愀然變色曰老身弱齡不肯遊浪江
湖為不平事後遇之蒙蘭我詩感而改節隱此經今一
紀矣李既云亡追悅持觴而醉與彙征各舉涉他詩
十數篇而別去乾符辛丑攄客雲川彙征所述也

晚泊潤州聞角

江城吹角水茫茫曲引邊聲怨思長驚起暮天沙上雁
海門斜去兩三行

御定全唐詩錄卷六十八

欽定四庫全書

御定全唐詩錄卷六十九

李紳

紳字公垂亳州人與李文饒元微之齊名人號元
和三俊為人短小俗呼短李元和初補國子助教
累遷中書舍人武宗即位拜中書侍郎平章事

紀事云開成間紳集其詩為追昔遊蓋歎逝感時
發於悽恨而作也或長句或五言或雜言或歌或

吟或樂府齊梁不一其辭乃由牽思所屬爾赴梁
漢歸諫垣升翰苑感恩遇歌帝京風物遭讒邪播
越歷荆楚涉湘沅逾嶺嶠抵荒陬止高要移九江
泛五湖過鍾陵泝荆江守滁陽轉壽春改賓客留
洛陽歷會稽過梅里遭讒邪再為賓客分務歸東
周擢川守鎮大梁詞有所懷興生於怨故微顯不
常其言亦異

樂天贈紳詩云一篇長恨有風情十首秦吟近正

聲剛被老元偷格律苦教短李負歌行注云元九往江陵余以詩一軸贈行自是格變李二十嘗自負歌行近見余樂府五十首默然心伏

元微之和樂天東南行云李多嘲蜉蝣竇數集蜘蛛注云李二十多詠物之作竇七頻改官銜屢有蜘蛛之喜

樂天詩曰悶勸迺辛酒間吟短李詩迺辛辛丘度也丘度之子一日自云辛氏子來見紳曰小子每

憶白二十二丈詩悶勸疇昔酒閒吟二十丈詩紳
笑曰辛大有此狂兒吾敢不存舊

古體詩

憫農詩

春種一粒粟秋收萬顆子四海無閒田農夫猶餓死鋤
禾日當午汗滴禾下土誰知盤中飧粒粒皆辛苦

紳初以古

風求知於呂溫溫見其憫農詩
曰此人必為宰相果如其言

移九江

秋波入白水帆去侵空小五兩劇奔星檣烏疾飛鳥湓
城依落日湓浦看雲眇雲眇更蒼蒼匡山低夕陽楚客
喜風水秦人悲異鄉異鄉秋思苦江皋月華吐漾漾隱
波亭悠悠通月浦津橋歸候吏竹巷開門戶容膝有匡
牀及肩纔數堵隙光非白駒懸磬我無虞體瘦寡行立
家肥安啜哺天書憐譴謫重作朱轡客四座眼全青一
麾頭半白今來思往事往事益悽然風月同今昔悲歡
異目前四時嗟閱水一紀換流年獨有西庭鶴孤鳴白

露天

上家山

余頃居梅里常於惠山肄業舊室猶在垂白重遊追感多思因效吳均體

上家山家山依舊好昔去松桂長今來容鬢老上家山
臨古道高低入雲樹蕪沒連天草草色綠萋萋寒蛩徧
草啼噪鴉啼樹遠行鴈帖雲齊岳光翻落日僧火開經
室竹洞磬聲長松樓鐘韻疾苔堦泉溜缺石甃青莎密
舊徑行處迷前交坐中失歎息整華冠持杯強自歡笑
歌憐稚孺絃竹縱吹彈山明溪月上酒滿心聊放髣髴

此淹留垂絲匪聞曠青山不可上昔事還惆悵况復白
頭人追懷空望望

憶東郭居

效丘遲

昔余過稚齒從師昧知與徒懷利物心不獲藏身寶曳
婁一縫掖出處勞昏早醒醉迷吸哺衣裳辨顛倒忠誠
貫白日直已憑蒼昊卷舌墮讒諛驚波息行潦衰禽識
舊木疲馬知歸道楊柳長庭柯蘭茝覆堦草旌旄光里
舍騎服歡妻嫂綠鬢絕新知蒼鬚稀舊老冠綏身忝貴

齋沐心常禱笙磬諒諧和庭除還灑掃栖遲還竹巷物
役侵江島倏忽變星霜悲傷滿懷抱

南梁行

江城鬱鬱春草長悠悠漢水浮青光雜英飛盡空畫景
綠楊重陰官舍靜此時醉客縱橫書公言可薦承明廬
青天詔下寵光至頒籍金閨徵石渠梯歸山路烟嵐隔
山木幽深晚花拆澗底紅光奪火燃搖風扇毒愁行客
杜鵑啼咽花亦殷聲悲絕艷連空山斜陽瞥映淺深樹

雲雨翻迷岨谷間山雞錦質矜毛羽透竹穿蘿命儔侶
喬木幽谿上下同雄雌不惑飛棲處望秦峯迴過商顏
浪疊雲堆萬簇山行盡杳冥青嶂外九重鐘漏紫霄間
元和列侍明光殿諫草初焚市朝變北闕趨承半隙塵
南梁嘯咏皆飛霰追思感歎却昏迷霜鬢愁吟到曉雞
故篋歲深開斷簡秋堂月曙掩遺題嗚嗚曉角霞輝粲
撫劍當楹一長歎菟狗無由學聖賢空持感激終昏旦

過荆門

荆江水濶烟波轉荆門路遠山蔥蒨帆勢侵雲滅又明
山程背日昏還見青青麥隴啼飛鴉寂寞野徑棠梨花
行行驅馬萬里遠漸入烟嵐危棧賒林中有鳥飛出谷
月上千巘一聲哭腸斷思歸不可聞人言恨魄來巴蜀
我聽此鳥祝我魂魂死勿學聲銜冤縱為羽族莫棲息
直上青雲呼帝閭此時山月如銜鏡岳樹參差互輝映
皎潔深看入澗泉分明細見樵人徑陰森鬼廟當郵亭
雞豚日宰聞羶腥愚夫禍福自迷惑魍魎憑何通百靈

月低山曉問行客已酹椒漿拜荒陌惆悵忠貞徒自持
誰祭山頭望夫石

涉沅瀟

屈原死處瀟湘陰滄浪蓀蓀雲沉沉蛟龍長怒虎長嘯
山木脩脩波浪深烟橫日落驚鴻起山映餘霞杳千里
鴻叫離離入暮天霞消漠漠深雲水水虛江暗揚波濤
鼉鼉動盪風騷騷行人愁望待明月星漢沈浮魑鬼號
屈原爾為懷王沒水府通天化靈物何不驅雷擊電除

奸邪可憐空作沉泉抱冤骨舉杯漑酒招爾魂月影澗
漾開乾坤波明水黑山隱見汨羅之上遙昏昏風帆候
曉看五兩戍鼓夔夔遠山響潮滿江津猿鳥啼荆夫楚
語飛蠻槳瀟湘島浦無人居風驚水暗惟鮫魚行來擊
棹獨長歎問爾精魂何所如

逾嶺嶠止荒陬抵高要

天將南北分寒燠北被羔裘南卉服寒氣凝為戎鹵驕
炎蒸結作蟲虺毒周王止化惟荆蠻漢武鑿遠通孱顏

南標銅柱限荒徼五嶺從茲窮險艱衡山截斷炎方北
迴雁峯南瘴烟黑萬壑奔湯溢作瀧湍飛浪激如繩直
千崖傍聳猿嘯悲丹蛇玄虺潛蛟螭瀧夫擬檝劈高浪
瞥忽浮沉如電隨嶺頭刺竹蒙籠密火折紅蕉焰燒日
嶺上泉分南北流行人照水愁傷骨陰森石路盤紫紆
雨寒日燠常斯須瘴雲暫卷火山外蒼茫海氣窮番禺
鷓鴣猿鳥聲相續椎髻曉呼同戚促百處谿灘異雨晴
四時雷電迷昏旭魚腸雁足望緘封地遠三江嶺萬重

魚躍豈通清遠峽雁飛難渡瘴江東雲蒸地熱無霜霰
桃李冬華匪時變天際長垂飲澗虹簷前不去銜泥燕
幸逢雷雨盪妖昏提挈悲歡出海門西日眼明看少長
北風身醒辨寒溫賈生謫去因前席痛哭書成竟何益
物忌忠良表是非朝驅絳灌為讐敵明皇聖德異文皇
不使無辜困鬼方漢日傳臣終委棄如今衰叟重輝光
高明白日恩深海齒髮雖殘壯心在空媿駑駘異一毫
無令朽骨慙千載

悲善才并序

余守郡日有客遊者善彈琵琶問其所傳乃善才所授頃在內庭日別承恩顧賜宴曲江勅善才等二十人備樂自余經播遷善才已歿因追感前事為悲善才此一篇在郡日所為今編於新錄

穆皇夜幸蓬池曲金鑾殿開高秉燭東頭弟子曹善才琵琶請奏新翻曲翠蛾列坐層城女笙笛參差齊笑語

天顏靜聽朱絲彈衆樂寂然無敢舉銜花金鳳當承撥
轉腕攏絃促揮抹扶花翻鳳天上來徘徊滿殿飛春雪
抽絃度曲新聲發金鈴玉珮相嗟切流鶯子母飛上林
仙鶴雌雄唳明月此時奉詔侍金鑾別殿承恩許召看
三月曲江春草綠九霄天樂下雲端紫髯供奉前屈膝
盡彈妙曲當春日寒泉注射隴水開塞雁翻飛朔天沒
日曛塵暗車馬散為惜新聲有餘歎明年冠劍閉橋山
萬里孤臣投海畔籠禽鍛翮尚還飛白首生從五嶺歸

聞道善才成朽骨空餘弟子奉宣徽南譙寂寞三春晚
有客彈絃獨淒怨靜聽深奏楚明光憶昔初開曲江宴
心悲不覺淚闌干更為調絃反覆彈秋吹動搖神女佩
月珠敲擊水晶盤自憐淮海同泥滓恨魄癡心未能死
惆悵追懷萬事空雍門琴感徒為爾

近體詩

趨翰苑遭誣構四十六韻

九五當乾德三千應瑞符纂堯昌聖厯宗禹盛丕圖畫

象垂新令消兵易舊謨選賢方去智招諫忽升愚大樂
調元氣神功運化醢脫鱗趨沆瀣翻翼集蓬壺捧日恩
光別抽毫顧問殊鳳形憐彩筆龍領借驪珠擲地聲名
寡摩天羽翮孤潔身酬雨露利口扇讒諛碧海同宸眷
鴻毛比賤軀辨疑分黑白舉直觝朋徒庭獸方呈角階
蓂始効莩日傾烏掩魄星落斗摧樞墜劍悲喬岳號弓
泣鼎湖亂羣逢害馬擇肉縱狂羈膽為隳肝竭心因漑
血枯滿帆推駭浪征棹折危途燕客書方詐堯門信未

孚謗興金就鑠毀極玉生瘡礪吻矜先搏張羅騁疾驅
地嫌稀颺颺海恨止番禺瘴嶺衝蛇入蒸池躡虺趨望
天收雪涕看鏡攬霜鬚草毒人驚剪茅荒室未誅火風
晴處扇山鬼雨中呼窮老鄉關遠羈愁骨肉無鵲靈窺
戶牖龜瑞出泥途烟島深千瘴滄波淼四隅海標傳信
使江棹認妻孥到接三冬暮來經六月徂暗灘朝不怒
驚瀨夜無虞俛首安羸業齊眉慰病夫涸魚思雨潤僵
燕望雷蘇詔下因頒朔恩移詎省辜誑夫猶指鹿依社

尚憑狐度嶺瞻牛斗浮江淬轆轤未平人睚眦誰懼鬼
柳榆湓浦潮通楚匡山地接吳庾樓清桂滿遠寺碧蓮
敷髣髴皆停馬悲歡盡隙駒舊交封宿草衰鬢重生芻
萬戟分梁苑雙旌寄魯儒駸駸移歲月冉冉近桑榆疲
馬愁千里孤鴻念五湖終當賦歸去那更學楊朱

過吳門二十四韻

烟水吳都郭閭門架碧流綠楊深淺蒼青翰往來舟朱
戶千家室丹楹百處樓水光搖極浦草色辨長洲憶作

麻衣客曾為旅棹遊放歌隨楚老清宴奉諸侯花寺聽
鶯入春湖看雁留里吟傳綺唱鄉語認畝謳橋轉攢虹
飲波通鬪鷁浮竹扉梅圃靜水檻橘園幽縫堵荒廩苑
穿巖破虎丘舊風猶越鼓餘俗尚吳鉤故館曾間訪遺
踪亦徧搜吹臺山木盡香徑佛宮秋帳殿菰蒲掩雲房
霧露收苧蘿妖覆滅荊棘鬼包羞風月俄黃綬經過半
白頭重來冠蓋客非復別離愁候火分通陌前旌駐外
郵水風搖綵旆堤柳引鳴騶問吏兒孫隔呼名禮敬修

顧瞻殊夙昔語默過悲憂義感心空在容衰日易偷還
持滄海詔從此布皇猷

憶春日太液池東亭候對

宮鶯曉報瑞烟開三島靈禽拂水迴橋轉彩虹當綺殿
艤浮花鷁近蓬萊草承香輦王孫長桃艷仙顏阿母栽
簪筆此時方侍從却思金馬笑鄒枚

憶夜直金鑾殿承旨

月當銀漢玉繩低深聽簫韶碧落齊門壓紫垣高綺樹

閣連青鎖近丹梯墨宣外渥催飛詔草定新恩促換題
明日獨歸花路遠可憐人世隔雲霓

憶春日曲江宴後許至芙蓉園

春風上苑開桃李詔許看花入御園香徑草中迴玉勒
鳳凰池畔泛金樽綠絲垂柳遮風暗紅藥低叢拂砌繁
歸繞曲江烟景晚未央明月鎖千門

新昌宅書堂前有藥樹一枝今已盈拱長慶中於
翰林院內西軒藥樹下移得纔長一寸僕夫封

一沈九以歸植今則長成名之天上樹

白榆星底開紅甲珠樹宮中長紫梢丹彩結心纔辨質
碧姿抽葉乍舒條羽衣道士偷懸圃金簡真人護玉苗
長帶九天餘雨露近來慈翠欲成喬

滁陽春日懷果園開宴

西園到日栽桃李紅白低枝拂酒杯繁艷只愁風處落
醉筵多就月中開勸人莫折憐芳早把燭頻看畏曉催
聞道數年深草露幾株猶得近池臺

七年初到洛陽寓居宣教里時已春暮而四老俱
在洛中分司

青莎滿地無三徑白髮緣頭忝四人官職謬齊商嶺客
姓名那重漢廷臣聖朝寡罪容衰齒愚叟多慙未退身
惟有門人憐鈍拙勸教沉醉洛陽春

憶至鞏縣河宿待家累追懷

鞏樹翻紅秋日斜水分伊洛照餘霞弓開後騎低初月
鶚駐前旌拂暮鴉閨信坐遲青玉案弄兒間望白羊車

今來憶事涼風晚烟浦空悲黃菊花

宿揚州

江橫渡濶烟波晚潮過金陵落葉秋嘹唳塞鴻經楚澤
淺深紅樹見揚州夜橋燈火連星漢水郭帆檣近斗牛
今日市朝風俗變不須開口問迷樓

憶題惠山寺書堂

故山一別光陰改秋露春風歲月多松下壯心年少去
池邊衰影老人過白雲生滅依巖岫青桂榮枯託薜蘿

惟有此身長是客又驅旌旆寄烟波

江南暮春寄家

洛陽城見迎梅雪魚口橋逢送雪梅劍外寺前芳草合
鏡湖亭上野花開江鴻斷續翻雲去海燕差池拂水迴
料得心知近寒食潛聽喜鵲望歸來

建元寺

并序

寺在常州東郭松扉竹院各在岡阜地甚疎通
接郊外每歲寒食里人灑掃經過之所大厯中

詩人郭鄖曾賦寒食詩贈吏部先兄詩云蘭陵
士女滿晴川郊外紛紛拜古埏萬井人家初禁
火九原松柏自生烟人間後事非前事鏡裏今
年老去年介子終知祿不及王孫誰復更相憐
當時以為絕唱嘗在兒童即聞此詩非欲繼和
蓋紀事因書

江城物候傷心地遠寺經過禁火辰芳草壠邊回首客
野花叢裏斷腸人紫荊繁艷空門晝紅藥深開古殿春

歎息光陰催白髮莫悲風月獨沾巾

却到無錫望芙蓉湖

丹橘村邊燭火微碧流明處雁初飛
蕭條落葉垂楊岸
隔水寥寥聞擣衣

施肩吾

肩吾字希聖睦州人元和十年登進士第慕仙跡
隱豫章西山為詩奇麗有西山集

自序云二十年辛苦烟蘿松月之下或時學龜息

飲而不食腸胃無滓形神益清見天地六合之奧
凡奇兆異狀閱乎心目者銳思一搜皆落我文字
網中

晁公武曰肩吾以西山乃十二真仙羽化之所心
慕之因卜隱有詩云若數西山得道者連予便是
十三人

古體詩

效古體

黃金無舊釵，絳綺無舊裾。惟有一寸心，長貯萬里夫。
南軒夜蟲織，已促北牖飛。蛾遶殘燭祗言衆，口鑠千金誰。
信獨愁銷片玉，不知歲晚歸不歸。又將淚眼縫征衣。

夜宴詞

蘭缸如晝買不眠，玉堂夜起沉香烟。青娥一行十二仙，
欲笑不笑桃花然。碧牕弄嬌妝洗晚，戶外不知銀漢轉。
被郎嗔罰琉璃盞，酒入四肢紅玉軟。

近體詩

代征婦怨

寒牕羞見影相隨
嫁得五陵輕薄兒
長短艷歌君不解
淺深更漏妾偏知
畫裙多淚鴛鴦濕
雲鬢慵梳玳瑁垂
何事不看霜雪裏
堅貞惟有古松枝

贈邊將

輕生奉國不為難
戰苦身多舊箭瘢
玉匣鎖龍鱗甲冷
金鈴襯鵲羽毛寒
皂貂擁出花當背
白馬騎來月在鞍
猶恐羌戎臨塞下
柳營特把陣圖看

送人南遊

見說南遊偏不易中途莫忘寄書頻
凌空瘴氣墮飛鳥解語山魃惱病人
閩縣綠蛾能引客泉州烏藥好防身
異花奇草分明看待汝歸來畫取真

古相思

十訪九不見甚於菖蒲花可憐雲中月
今夜墮我家

湘竹詞

萬古湘江竹無窮奈怨何年年長春筍
只是淚痕多

幼女詞

幼女纔六歲未知巧與拙向夜在堂前學人拜新月

宿南一上人山房

牕牖月色多坐卧禪心靜青鬼來試人夜深弄燈影

蘭渚泊

家在洞水西身作蘭渚客天晝無纖雲獨坐空江碧

少年行

醉騎白馬走空衢惡少皆稱電不如五鳳街頭閒勒轡

半垂衫袖揖金吾

春詞

一作沈亞之
詩稍有不同

黃鳥啼多春日高
紅芳開盡井邊桃
美人手暖裁衣易
片片輕雲落剪刀

仙翁詞

世間無遠可為遊
六合朝行夕已周
壇上夜深風雨靜
小仙乘月繫蒼虬

望夫詞

看看北雁又南飛薄倖征夫久不歸
蟾子到頭無信處
凡經幾度上人衣

手熱寒燈向影頻迴文機上暗生塵
自家夫壻無消息
却恨橋頭賣卜人

少女詞

同心帶裏脫金錢買取頭花翠羽連
手執木蘭猶未慣
今朝初上採菱船

少婦遊春詞

簇錦攢花鬪勝遊萬人行處最風流無端自向春園裏
笑摘青梅叫阿侯

夜笛詞

皎潔西樓月未斜笛聲寥亮入東家却令燈下裁衣婦
誤剪同心一片花

惜花詞

千樹繁紅繞碧泉正宜尊酒對芳年明朝欲飲還來此
只怕春風却在

山居樂

鸞鶴每於松下見
笙歌常向坐中聞
手持十節龍頭杖
不指虛空即指雲

冬日觀早朝

紫烟捧日爐香動
萬馬千車踏新凍
繡衣年少朝欲歸
美人猶在青樓夢

春霽

煎茶水裏花千片
候客亭中酒一樽
獨對春光還寂寞

羅浮道士忽敲門

秋夜山居

幽居正想飡霞客
夜久月寒珠露滴
千年獨鶴兩三聲
飛下巖前一枝柏

去雁聲遙人語絕
誰家素機織新雪
秋山野客醉醒時
百尺老松銜半月

春日錢唐雜興

仙姥溪頭桑裊裊
錢唐郭外柳毵毵
路逢隣婦遙相問

小小如今學養

兒蟲

西隣年少問東隣
柳坼花堤幾處新
昨夜雨多春水濶
隔江桃葉喚何人

下第春遊

羈情含顰復含辛
淚眼看花只似塵
天遣春風領春色
不教分付與愁人

與諸隱者夜登四明山

半夜尋幽上四明
手攀松桂觸雲行
相呼已到無人境

何處玉簫吹一聲

宿四明山

黎洲老人命余宿杳然高頂浮雲平下視不知幾千仞
欲曉不曉天雞聲

春日宴徐君池亭

暫憑春酒換愁顏今日應須醉始還池上有門君莫掩
從教野客見青山

題禪僧院

棲禪枝畔數花新
飛作琉璃地上塵
谷鳥自啼猿自叫
不能愁得定中人

遇王山人

每欲尋君千萬峯
豈知人世也相逢
一瓢遺却在何處
應挂天台最老松

山中得劉秀才京書

自笑家貧客到疎
滿庭烟草不能鋤
今朝誰料三千里
忽到劉京一紙書

誚山中叟

老人今年八十幾口中零落殘牙齒天陰偃僂帶嗽行
猶向巖前種松子

贈採藥叟

老去惟將藥裏行無家無累一身輕却教年少取書卷
小字鐙前鬪眼明

贈女道士鄭玉華

玄髮新簪碧藕花欲添肌雪餌紅砂世間風景那堪戀

長笑劉郎漫憶家

明鏡湖中休採蓮却師阿母學神仙
朱絲誤落青囊裏猶是箜篌第幾絃

寄王少府

採松仙子徒銷日喫菜山僧枉過生
多謝藍田王少府人間詩酒最關情

秋夜山中別友人

何處邀君話別情寒山木落月華清
莫愁今夜無詩思

已聽秋猿第一聲

山中送友人

欲折楊枝別恨生
一重枝上一啼鶯
亂山重叠雲相掩
君向亂山何處行

送絕粒僧

碧洞青蘿不畏深
免將饑渴累人心
若期野客來相訪
一室無烟何處尋

望騎馬郎

碧蹄新壓步初成玉色郎君弄影行
賺殺唱歌樓上女
伊州誤作石州聲

佳人覽鏡

每坐臺前見玉容今朝不與昨朝同
良人一夜出門宿
減却桃花一半紅

折楊柳

傷見路傍楊柳春一株折盡一重新
今年還折去年處
不送去年離別人

翫友人庭竹

曾去玄洲看種玉那似君家滿庭竹客來不用呼清風
此處掛冠涼自足

戲咏榆莢

風吹榆錢落如雨繞林繞屋來不住知爾不堪還酒家
漫教夷甫無行處

蜀茗詞

越碗初盛蜀茗新薄烟輕處攪來勻山僧問我將何比

欲道瓊漿却畏嗔

殷堯藩

堯藩蘇州嘉興人元和中登進士第辟李翔長沙
幕府加授監察御史又嘗辟同州從事又為永樂

令

近體詩

吳宮

吳王愛歌舞夜夜見嬋娟見日吹紅燭和塵拂翠鈿徒

令勾踐霸不信子胥賢莫問長洲草荒涼無限年

過友人幽居

身坐衆香國蒲團詩思新一貧曾累我此興未輸人陋
巷誰為俗寒牕不染塵石齋盟四友岩下頓生春

遊王羽士山房

落日半樓明琳宮事事清山橫萬古色鶴帶九臯聲易
作神仙侶難忘父子情道人應識我未肯說長生

上巳日贈都上人

三月初三日千家與萬家蝶飛秦地草鶯入漢宮花鞍
馬皆爭麗笙歌盡鬪奢吾師無所願惟願老烟霞
曲水公卿宴香塵盡滿街無心修禊事獨步到禪齋細
草縈愁目繁花逆旅懷綺羅人走馬遺落鳳皇釵

送沈亞之尉南康

行邁南康路客心離怨多暮烟葵葉屋秋月竹枝歌孤
鶴唳殘夢驚猿嘯薜蘿對江翹首望愁淚疊如波

送客遊吳

吳國水中央波濤白渺茫
衣逢梅雨漬船入稻花香
海戍通鹽竈山村帶蜜房
欲知蘇小小君試到錢唐

中元日觀諸道士步虛

玄都開秘籙白石禮先生
上界秋光淨中元夜氣清
星辰朝帝處鸞鶴步虛聲
玉樹花難老珠宮月最明
掃壇天地肅投簡鬼神驚
倘賜刀圭藥還留不死名

醉贈劉十二

一作寄嶺南張明府

春草正萋萋知君過惡溪
鶯將吉了語猿共猓然啼別

路魂先斷還家夢幾迷定尋雷令劍應識越王笄樹色
多於北潮聲少向西柳花好為酒誰伴醉如泥

帝京

列郡徵才起俊髦萬機獨使聖躬勞開藩上相頒龍節
破虜將軍展豹韜地入皇圖三輔壯天垂華蓋七星高
迎春別賜瑤池宴捧進金盤五色桃

龍虎山河御氣通遙瞻帝闕五雲紅英雄盡入江東籍
將相多收薊北功禮樂日稽三代盛梯航歲貢萬方同

都將儉德熙文治淳俗應還太古風

宮詞

悄悄深宮不見人
倚欄惟見石麒麟
芙蓉帳冷愁長夜
翡翠簾垂隔小春
天遠難通青鳥信
風寒欲動錦花茵
夜深怕有羊車過
自起籠燈看雪紋

郊居作

碧樹濃陰護短垣
蒼江春暖渚鳬喧
買魚試喚鳴榔艇
尋鶴因行隔隴邨
生理何憑文是業
世情縱遣酒盈樽

相逢謂我迂疎甚欲辨還憎恐失言

旅行

烟樹寒林半有無野人行李更蕭疎
堠長堠短逢官馬山北山南聞鷓鴣
萬里關河成傳舍五更風雨憶呼盧
寂寥一點寒燈在酒熟隣家許夜沽

還京口

黃鶴山頭雪未消行人歸計在今朝
城圍鐵甕江山壯地接金陵草木彫
北府市樓聞舊酒南橋官柳識歸橈

吏民莫見叅軍面水宿風飡鬚髮焦

潭州獨步

鶴髮垂肩懶著巾晚涼獨步楚江濱
一帆暝色鷗邊雨數尺筇枝物外身
習巧未逢醫拙手聞歌先識採蓮人
笑看斥鷃飛翔去樂處蒿萊便有春

訪許渾

去郭來尋隱者居柳陰假步小籃輿
每期會面初償約却計論心舊得書
淺綠垣牆綿薜荔淡紅池沼映芙蕖

為言宥共留連飲澗有青芹罟有魚

送劉禹錫侍御出刺連州

遐荒迢遞五羊城歸興濃消客裏情家近似忘山路險
土甘殊覺瘴烟輕梅花清入羅浮夢荔子紅分廣海程
此去定知償隱趣石田春雨讀書耕

送景元上人還山

嵩陽聽罷講經鐘遠訪庭闈錫度空蒲履漫從歸後織
衲衣猶記別時縫地橫龍朔連沙溟山入烏桓碧樹重

梵宇傳來金貝葉花前拜捧慰親容

偶題

越女收龍眼蠻兒拾象牙長安千萬里走馬送誰家

春怨

柳花撲簾春欲盡綠陰障林鶯亂啼祇恐明日送春去
落日滿園啼竹雞

同州端午

鶴髮垂肩又許長離家三十五端陽兒童見說深驚訝

却問何方是故鄉

遊山南寺

山中盡日無人到
竹外交加百鳥鳴
昨日小樓微雨過
櫻桃花落晚風晴

潭州席上贈舞柘枝妓

姑蘇太守青娥女
流落長沙舞柘枝
滿座繡衣皆不識

可憐紅臉淚雙垂

雲溪友議云李翔在潭州席上有舞柘枝者顏色憂悴堯藩識之當筵贈

詩云云翔詰其事乃故蘇臺韋中丞愛姬所生之女也
曰妾以昆弟夭喪委身樂部恥辱先人言訖涕咽情不

能堪亞相為之吁嘆且曰吾韋族姻舊連命更其舞服
飾以袿襦延與夫人相見顧其言語清楚究有冠蓋風
儀遂於賓榻中
選士而嫁之



御定全唐詩錄卷六十九